



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

B. Michael Florentinus, sacræ coron[a]e domini inuentor. cap. LXVIII.

urn:nbn:de:hbz:466:1-38397

B. MICHAEL FLORENTINVS:
Sacrae Coronae Domini inuentor.

iuxta illud,

Benedices Coronae anni benignitatis tuae. Psal. 64.
Cap. LXVIII.



Ed quis ille est, inquireret nonnullus, qui Monachi habitu, dulcissimum IESV nomen, corona quadam globulea circumdatum, & radiis, sole splendoribus illustratum, sinistra tenentis, Ramum ipsum claudere conspicitur? Digna profecto Christiano homine tanti mysterii intelligendi contentio. Is enim est unus ex illis sanctissimae uitae Eremitis, qui Camaldulensem Eremitum habitare noscuntur, nomine Michael, qui ad imitationem Coronae Sanctissimae Matris, primus omnium Coronam, quam uocamus, Domini excogitauit; quae ad commemorationem annorum uitae Domini, triginta tres Orationes Dominicas, & pro commemoratione quinque vulnerum eius, quinque salutationes Angelicas, ex mente persoluendas continet. Haec tornatis orbiculis ab ipso S. Michael confecta, & re cum maiori Patre Eremitae communicata, Leoni Papae X. Florentiae tunc agenti, delata & praesentata est, ut eam Apostolica auctoritate confirmaret. Gaudius magnus sacerdos nouo huiusmodi munusculo, libenter quod petebatur, indulsit, & gratiosissimi Diplomatis pagina, thesauris indulgentiarum sacrae Ecclesiae repleta, hisce uerbis honestauit.

Bulla Dominicae Corone, eiusque Indulgentiae.

Leo Episcopus, seruus seruorum Dei: Vniuersis & singulis Christi fidelibus praesentes litteras inspecturis salutem & Apostolicam benedictionem. Nuper nobis fide digna relatione innotuit, quod cuidam Seniori Eremitae intra unius Cella angustia iam quindecim annos in sacra Camaldulensi Eremita, in magna uitae austeritate recluso commoranti, Domino, ut credere pium est, inspirante, a quo omnis recta procedit cogitatio, in mentem venit, quod in honorem Saluatoris, & D. N. I. C. fideliumque deuotionem cedere posset, si quemadmodum ex antiquissima, ualdeque communi institutione Christi fidelium in honorem Beatissimae Mariae Virginis, secundum numerum annorum quos vixisse in hoc mundo creditur,

ditur, sexaginta tres Angelicas salutationes septem interpositis Dominicis orationibus deuote dicere solent: quod orationis genus Coronam Virginis appellant: Ita in honorem D. N. I. C. pro commemoratione annorum quibus ipse in terris versatus est, ex triginta tribus Dominicis orationibus, quinque interpositis Angelicis salutationibus, quasi Dominicam coronam dicere assuecant. Supplicarique nobis humiliter fecit, ut ad excitandam fidelium deuotionem, aliquam indulgentiarum gratiam eam Domini Coronam dicentibus concedere Apostolica benignitate dignaremur. Nos vero quibus incumbit & honorem D. N. I. C. quanto ipso auxiliante possumus augere: & unionis Christi fidelibus deuotionis incitamenta præbere, huiusmodi supplicationibus inclinati prædictum orandi modum ab illo Seniore reclusoque Eremita excogitatum, approbamus, confirmamusque, & Coronam Domini volumus appellari. Quod orationis genus ut à Christi fidelibus deuotius suscipiatur, frequenter excutatur, vniuersis & singulis vtriusque sexus cuiuscunque status, Ordinis ac professionis, qui eandem Dominicam Coronam semel in die dixerint, per singulas vices decem annorum Indulgentiam: His vero qui iusto amoto impedimento per continuum anni circulum eandem Dominicam Coronam semel in die dixerint, ultra prædictam summam, mille annorum indulgentiam de nostra plenitudinis pietatis auctoritate Apostolica concedimus, & elargimur. His vero qui ad extremum usque uitæ diem, eam Domini Coronam semel in die dixerint, easdem annorum summas duplicamus, & discendentibus ex hac uita Apostolicam elargimur benedictionem. Quia vero difficile esset presentes litteras ad uniuersorum notitiam peruenire, nisi opportuno prouideretur auxilio, eadem auctoritate uolumus ac decernimus, ut transumptis etiam impressis, sigilloque sacre Camaldulensis Eremitæ, & aliorum Eremitarum subscriptione munitis, ea prorsus fides adhibeatur, quæ ipsi originibus litteris adhiberetur. Volentes ut omnes Predicatores, ac quorum notitiam hæc peruenierint, eas in populorum præsentia publicare possint, contrariis non obstantibus quibuscunque. Datum Florentie sub anno Piscatoris die 18. Feb. 1516. Pontific. nostri an. 3. per manū Petri Bembi.

Huius autem Michaelis sanctitatem, referunt etiam hodie Calpodii, seu lignei Sochi, quibus ipse dum erat inclusus loco calceorum nudis pedibus utebatur; In illorū nempe superiori parte, quæ plantas pedum respicit, eandem plantarum effigies, perinde ac in massa, ex diuturno usu impressæ sunt. In cuius rei memoriam, sub altari oratori domunculæ, quam ipse olim ocellus habitabat, merito seruantur.